

**Kapag ginamit mo ang aming mga serbisyo, ipinagkakatiwala mo sa amin ang iyong impormasyon. Nauunawaan naming malaki itong responsibilidad at nagsisikap kaming protektahan ang iyong impormasyon at bigyan ka ng kontrol dito.**

Ang Patakaran sa Privacy ay naglalayong matulungan kang maunawaan kung anong impormasyon ang aming kinokolekta, bakit namin ito kinokolekta, at kung paano mo maaaring i-update, pamahalaan, i-export, at i-delete ang iyong impormasyon.

Epektibo mula Marso 31, 2020

[Mga naka-archive na bersyon](#)

---

Bumubuo kami ng iba't ibang serbisyonag nakakatulong araw-araw sa milyon-milyong tao na mag-explore at makipag-ugnayan sa mundo sa mga bagong paraan. Kabilang sa aming mga serbisyo ang:

- Mga app, site, at device ng Google, tulad ng Search, YouTube, at Google Home
- Mga platform tulad ng Chrome browser at Android operating system
- Mga produktong kasama sa mga third-party na app at site, tulad ng mga ad at naka-embed na Google Maps

Maaari mong gamitin ang aming mga serbisyo sa iba't ibang paraan upang pamahalaan ang iyong privacy. Halimbawa, maaari kang mag-sign up para sa isang Google Account kung gusto mong gumawa at mamahala ng content tulad ng mga email at larawan, o makakita pa ng mga mas may kaugnayang resulta ng paghahanap. At maaari kang gumamit ng maraming serbisyo ng Google kapag naka-sign out ka o nang hindi talaga gumagawa ng account, tulad ng paghahanap sa Google o panonood ng mga video sa YouTube. Maaari mo ring piliing mag-browse sa web nang pribado gamit ang Chrome sa Incognito mode. At sa lahat ng aming serbisyo, maaari mong isaayos ang iyong mga setting ng privacy upang makontrol kung ano ang aming kinokolekta at kung paano ginagamit ang iyong impormasyon.

Upang makatulong na maipaliwanag nang mabuti ang mga bagay, nagdagdag kami ng mga halimbawa, mga video na nagbibigay ng paliwanag, at pagpapakahulugan para sa mga [pangunahing](#)

[termino](#). At kung mayroon kang anumang tanong tungkol sa Patakaran sa Privacy na ito, maaari kang [makipag-ugnayan sa amin](#).

---

## IMPORMASYONG KINOKOLEKTA NG GOOGLE

# Gusto naming maintindihan mo ang mga uri ng impormasyong kinokolekta namin habang ginagamit mo ang aming mga serbisyo

Nangongolekta kami ng impormasyon upang makapagbigay ng mas mahuhusay na serbisyo sa lahat ng aming user – mula sa pag-alam ng mga pangunahing bagay tulad ng wikang iyong sinasalita, hanggang sa mga mas kumplikadong bagay tulad ng kung aling [mga ad ang magiging pinakakapaki-pakinabang sa iyo](#), [mga taong pinakamahalaga sa iyo online](#), o kung aling mga video sa YouTube ang maaari mong magustuhan. Ang impormasyong kinokolekta ng Google at kung paano ginagamit ang impormasyong iyon ay nakadepende sa kung paano mo ginagamit ang aming mga serbisyo at kung paano mo pinamamahalaan ang iyong mga kontrol sa privacy.

Kapag hindi ka naka-sign in sa isang Google Account, sino-store namin ang impormasyong kinokolekta namin gamit ang [mga natatanging pagkikilanlan na nauugnay sa browser, application, o device](#) na iyong ginagamit. Nakakatulong ito sa amin na gawin ang mga bagay tulad ng pagpapanatili sa mga kagustuhan mo sa wika sa lahat ng session ng pag-browse.

Kapag naka-sign in ka, kinokolekta rin namin ang impormasyong sino-store namin sa iyong Google Account, na itinuturing namin bilang [personal na impormasyon](#).

## Mga bagay na ginagawa o ibinibigay mo sa amin

Kapag gumagawa ka ng Google Account, nagbibigay ka sa amin ng [personal na impormasyon](#) na kinabibilangan ng iyong pangalan at password. Maaari mo ring piliing magdagdag ng [numero ng telepono](#) o [impormasyon sa pagbabayad](#) sa iyong account. Kahit hindi ka naka-sign in sa isang Google Account, maaari mong piliing magbigay sa amin ng impormasyon – tulad ng email address upang makatanggap ng mga update tungkol sa aming mga serbisyo.

Kinokolekta rin namin ang content na iyong ginagawa, ina-upload, o natatanggap mula sa ibang tao kapag ginagamit ang aming mga serbisyo. Kabilang sa mga bagay na ito ang mga email na sinusulat

at natatanggap mo, larawan at video na sine-save mo, doc at spreadsheet na ginagawa mo, at komentong ginagawa mo sa mga video sa YouTube.

## Impormasyong kinokolekta namin habang ginagamit mo ang aming mga serbisyo

### Iyong mga app, browser, at device

Kinokolekta namin ang impormasyon tungkol sa mga app, browser, at device na ginagamit mo upang mag-access ng serbisyo ng Google, na tumutulong sa aming magbigay ng mga feature tulad ng awtomatikong pag-update ng produkto at pag-dim ng iyong screen kung kaunti na ang baterya mo.

Kasama sa impormasyong kinokolekta namin ang mga natatanging identifier, uri at mga setting ng browser, uri at mga setting ng device, operating system, impormasyon ng mobile network kabilang ang pangalan ng carrier at numero ng telepono, at numero ng bersyon ng application. Kinokolekta rin namin ang impormasyon tungkol sa pakikipag-ugnayan ng iyong mga app, browser, at device sa aming mga serbisyo, kabilang ang IP address, mga ulat ng pag-crash, aktibidad ng system, at ang petsa, oras, at referrer URL ng kahilingan mo.

Kinokolekta namin ang impormasyong ito kapag nakikipag-ugnayan sa aming mga server ang isang serbisyo ng Google na nasa iyong device — halimbawa, kapag nag-install ka ng app mula sa Play Store o kapag may serbisyong tumitingin ng mga awtomatikong pag-update. Kung gumagamit ka ng Android device na may mga Google app, pana-panahong nakikipag-ugnayan sa mga server ng Google ang iyong device upang magbigay ng impormasyon tungkol sa device mo at koneksyon sa aming mga serbisyo. Kasama sa impormasyong ito ang mga bagay tulad ng uri ng iyong device, pangalan ng carrier, mga ulat ng pag-crash, at kung aling mga app ang na-install mo.

### Iyong aktibidad

Kinokolekta namin ang impormasyon tungkol sa iyong aktibidad sa aming mga serbisyo, na ginagamit namin upang gumawa ng mga bagay tulad ng pagrerekomenda ng video sa YouTube na maaaring magustuhan mo. Maaaring kasama sa kinokolekta naming impormasyon ng aktibidad ang:

- Mga terminong hinahanap mo
- Mga video na pinapanood mo
- Mga pagtingin at pakikipag-ugnayan sa content at mga ad

- Impormasyon ng boses at audio kapag gumagamit ka ng mga feature ng audio
- Aktibidad sa pagbili
- Kung kanino ka nakikipag-ugnayan o nagbabahagi ng content
- Aktibidad sa mga third-party na site at app na gumagamit ng aming mga serbisyo
- History ng pag-browse sa Chrome na [na-sync mo sa iyong Google Account](#)

Kung ginagamit mo ang aming [mga serbisyo upang tumawag at makatanggap ng mga tawag o magpadala at makatanggap ng mga mensahe](#), maaari naming kolektahin ang impormasyon ng log ng telepono tulad ng iyong numero ng telepono, numero ng tumawag, mga numero ng nakatanggap ng tawag, mga pagpapasahang numero, oras at petsa ng mga tawag at mensahe, tagal ng mga tawag, impormasyon sa pagruruta, at mga uri ng mga tawag.

Maaari mong bisitahin ang iyong Google Account upang hanapin at pamahalaan ang impormasyon ng aktibidad na naka-save sa account mo.



[Pumunta sa Google Account](#)

---

## Iyong impormasyon ng lokasyon

Kinokolekta namin ang impormasyon tungkol sa iyong lokasyon kapag ginagamit mo ang aming mga serbisyo, na nakakatulong sa aming mag-alok ng mga feature tulad ng mga direksyon sa pagmamaneho para sa pamamasyal mo nang weekend o oras ng pagpapalabas ng mga pelikula sa mga sinehang malapit sa iyo.

Matutukoy ang iyong lokasyon nang may iba't ibang antas ng katumpakan sa pamamagitan ng:

- GPS
- [IP address](#)
- [Data ng sensor mula sa iyong device](#)
- [Impormasyon tungkol sa mga bagay na malapit sa iyong device](#), gaya ng mga Wi-Fi access point, cell tower, at device na may naka-enable na Bluetooth

Nakadepende nang bahagya sa iyong device at mga setting ng account ang mga uri ng data ng lokasyon na kinokolekta namin. Halimbawa, maaari mong [i-on o i-off ang lokasyon ng iyong Android device](#) gamit ang app na mga setting ng device mo. Maaari mo ring i-on ang [History ng Lokasyon](#) kung gusto mong gumawa ng pribadong mapa ng iyong mga pinupuntahang lugar nang dala ang iyong mga naka-sign in na device.

---

Sa ilang pagkakataon, kinokolekta rin ng Google ang impormasyon tungkol sa iyo mula sa [mga source na naa-access ng publiko](#). Halimbawa, kung lumalabas ang pangalan mo sa inyong lokal na pahayagan, maaaring i-index ng Search engine ng Google ang artikulong iyon at ipakita ito sa ibang tao kung hahanapin nila ang iyong pangalan. Maaari din kaming mangolekta ng impormasyon tungkol sa iyo mula sa mga pinagkakatiwalaang partner, pati na rin sa mga marketing partner na nagbibigay sa amin ng impormasyon tungkol sa mga potensyal na customer ng aming mga serbisyong pangnegosyo, at mga partner sa seguridad na nagbibigay sa amin ng impormasyon upang [magprotektala laban sa pang-aabuso](#). Nakakatanggap din kami ng impormasyon mula sa [mga advertiser upang magbigay ng mga serbisyo sa pag-advertise at pananaliksik sa ngalan nila](#).

Gumagamit kami ng iba't ibang teknolohiya upang mangolekta at mag-store ng impormasyon, kasama ang [cookies](#), [mga pixel tag](#), lokal na storage, gaya ng [web storage ng browser](#) o [mga data cache ng application](#), mga database, at [mga log ng server](#).

---

## BAKIT NANGONGOLEKTA NG DATA ANG GOOGLE

# Ginagamit namin ang data upang gumawa ng mas mahuhusay na serbisyo

Ginagamit namin ang impormasyong kinokolekta namin mula sa lahat ng aming serbisyo para sa mga sumusunod na layunin:

## Ibigay ang aming mga serbisyo

Ginagamit namin ang iyong impormasyon upang [ihatid ang aming mga serbisyo](#), tulad ng pagproseso sa mga terminong hinahanap mo upang makapagbalik ng mga resulta o pagtulong sa iyong magbahagi ng content sa pamamagitan ng pagmumungkahi ng mga tagatanggap mula sa iyong mga contact.

## Panatilihin at pahusayin ang aming mga serbisyo

Ginagamit din namin ang iyong impormasyon upang [matiyak na gumagana ang aming mga serbisyo gaya ng inaasahan](#), tulad ng pagsubaybay sa mga outage o pag-troubleshoot sa mga isyung inuulat mo sa amin. At ginagamit namin ang iyong impormasyon upang [gumawa ng mga pagpapahusay](#) sa aming mga serbisyo – halimbawa, nakakatulong ang pag-unawa sa kung aling mga termino para sa paghahanap ang pinakamadalas mali ang pagbabaybay upang mapahusay namin ang mga feature na pang-check ng pagbabaybay na ginagamit sa lahat ng aming serbisyo.

## Bumuo ng mga bagong serbisyo

Ginagamit namin ang impormasyong kinokolekta namin sa mga kasalukuyang serbisyo upang matulungan kaming bumuo ng mga bago. Halimbawa, nakatulong sa amin ang pag-unawa kung paano inaayos ng mga tao ang kanilang mga larawan sa Picasa, ang unang app ng mga larawan ng Google, na idisenyo at ilunsad ang Google Photos.

## Magbigay ng mga naka-personalize na serbisyo, kabilang ang content at mga ad

Ginagamit namin ang impormasyong aming kinokolekta upang i-customize ang aming mga serbisyo para sa iyo, kabilang ang pagbibigay ng mga rekomendasyon, naka-personalize na content, at [naka-customize na resulta ng paghahanap](#). Halimbawa, nagbibigay ang [Pagsuri sa Seguridad](#) ng mga tip sa seguridad na nakaangkop sa kung paano mo ginagamit ang mga produkto ng Google. At ginagamit ng Google Play ang impormasyon tulad ng mga app na na-install mo na at mga video na pinanood mo sa YouTube upang magmungkahi ng mga bagong app na maaaring magustuhan mo.

Depende sa iyong mga setting, maaari din kaming magpakita sa iyo ng [mga naka-personalize na ad](#) batay sa mga interes mo. Halimbawa, kung maghahanap ka ng “mga mountain bike,” maaari kang makakita ng mga ad para sa mga kagamitang pang-sports kapag nagba-browse ka ng site na nagpapakita ng mga ad na inihahatid ng Google. Maaari mong kontrolin kung anong impormasyon ang gagamitin namin upang magpakita sa iyo ng mga ad sa pamamagitan ng pagbisita sa iyong mga setting ng ad.

- Hindi kami nagpapakita sa iyo ng mga naka-personalize na ad batay sa mga [mga sensitibong katagorya](#), gaya ng lahi, relihiyon, sekswal na oryentasyon, o kalusugan.
- Hindi kami nagbabahagi sa mga advertiser ng impormasyong personal na tumutukoy sa iyo, gaya ng pangalan o email mo, maliban na lang kung hiniling mo sa aming gawin ito. Halimbawa, kung

nakakakita ka ng ad para sa isang malapit na flower shop at pipiliin mo ang button na “mag-tap para tumawag,” ikokonekta namin ang iyong tawag at maaari naming ibahagi ang numero ng telepono mo sa flower shop.



## Pumunta sa Mga Setting ng Ad

---

### Sukatín ang performance

Ginagamit namin ang data para sa analytics at pagsukat upang maunawaan kung paano ginagamit ang aming mga serbisyo. Halimbawa, sinusuri namin ang data tungkol sa iyong mga pagbisita sa aming mga site upang gumawa ng mga bagay tulad ng pag-optimize sa disenyo ng produkto. At ginagamit din namin ang data tungkol sa mga ad kung saan ka nakikipag-ugnayan upang tulungan ang mga advertiser na maunawaan ang performance ng kanilang mga ad campaign. Gumagamit kami ng iba't ibang tool upang gawin ito, kasama ang Google Analytics. Kapag bumisita ka sa mga site na gumagamit ng Google Analytics, ang Google at ang isang customer ng Google Analytics ay [maaaring mag-link ng impormasyon](#) tungkol sa iyong aktibidad mula sa site na iyon sa aktibidad mula sa iba pang site na gumagamit ng aming mga serbisyo ng ad.

### Makipag-ugnayan sa iyo

Ginagamit namin ang impormasyong kinokolekta namin, tulad ng iyong email address, upang direktang makipag-ugnayan sa iyo. Halimbawa, maaari kaming magpadala sa iyo ng notification kung may matukoy kaming kahina-hinalang aktibidad, tulad ng pagsubok na mag-sign in sa iyong Google Account mula sa isang hindi pangkaraniwang lokasyon. O maaari naming ipalam sa iyo ang tungkol sa mga gagawing pagbabago o pagpapahusay sa aming mga serbisyo. At kung makikipag-ugnayan ka sa Google, magpapanatili kami ng tala ng iyong kahilingan upang makatulong na lutasin ang anumang isyung kinakaharap mo.

### Protektahan ang Google, ang aming mga user, at ang publiko

Ginagamit namin ang impormasyon upang makatulong na mapahusay ang [pagiging ligtas at maaasahan](#) ng aming mga serbisyo. Kabilang dito ang pagtukoy, pagpigil, at pagtugon sa panloloko, pang-aabuso, mga panganib sa seguridad, o mga teknikal na isyung maaaring makaapekto sa Google, sa aming mga user, o sa publiko.

---

Maaari kaming gumamit ng iba't ibang teknolohiya upang iproseso ang iyong impormasyon para sa mga layuning ito. Gumagamit kami ng mga naka-automate na system na nagsusuri sa iyong content upang mabigyan ka ng mga bagay tulad ng mga naka-customize na resulta ng paghahanap, mga naka-personalize na ad, o iba pang feature na iniakma sa kung paano mo ginagamit ang aming mga serbisyo. At sinusuri namin ang iyong content upang makatulong sa aming [tumukoy ng pang-aabuso](#) tulad ng spam, malware, at ilegal na content. Gumagamit din kami ng mga [algorithm](#) upang makakilala ng mga pattern sa data. Halimbawa, nakakatulong ang Google Translate sa mga tao na makipag-ugnayan sa iba't ibang wika sa pamamagitan ng pagtukoy sa mga karaniwang pattern ng wika sa mga parilalang hinihiling mong isalin nito.

Maaari naming [pagsama-samahin ang impormasyong kinokolekta namin](#) sa lahat ng aming serbisyo at sa lahat ng iyong device para sa mga layuning inilalarawan sa itaas. Halimbawa, kung nanonood ka ng mga video ng mga tumutugtog ng gitara sa YouTube, maaari kang makakita ng ad para sa mga pag-aaral maggitara sa mga site na gumagamit ng aming mga produkto ng ad. Depende sa mga setting ng iyong account, maaaring iugnay sa personal na impormasyon mo [ang iyong aktibidad sa iba pang site at app](#) upang mapahusay ang mga serbisyo ng Google at ang mga ad na inihahatid ng Google.

Kung may email address mo o iba pang impormasyong nakakatukoy sa iyo ang ibang user, maaari naming ipakita sa kanila ang pampublikong impormasyon ng Google Account mo, tulad ng iyong pangalan at larawan. Halimbawa, nakakatulong ito sa mga tao na tukuyin ang email na nanggagaling sa iyo.

Hihingin namin ang iyong pahintulot bago gamitin ang impormasyon mo para sa layuning hindi nasasaklawan ng Patakaran sa Privacy na ito.

---

## IYONG MGA KONTROL SA PRIVACY

# May mga pagpipilian ka hinggil sa impormasyong aming kinokolekta at kung paano ito ginagamit

Inilalarawan ng seksyong ito ang mga pangunahing kontrol para sa pamamahala sa iyong privacy sa lahat ng aming serbisyo. Maaari mo ring bisitahin ang [Privacy Checkup](#), na nagbibigay ng pagkakataong suriin at isaayos ang mahahalagang setting ng privacy. Dagdag pa sa mga tool na ito, nag-aalok din kami ng mga partikular na setting ng privacy sa aming mga produkto – maaari kang matuto pa sa aming [Gabay sa Privacy ng Produkto](#).

---





## Pamamahala, pagsusuri, at pag-update ng iyong impormasyon

Kapag naka-sign in ka, maaari mong suriin at i-update ang impormasyon anumang oras sa pamamagitan ng pagbisita sa mga serbisyong ginagamit mo. Halimbawa, parehong idinisenyo ang Photos at Drive upang tulungan kang mamahala ng mga partikular na uri ng content na na-save mo sa Google.

Gumawa kami ng lugar para sa iyo upang suriin at kontrolin ang impormasyong nase-save sa Google Account mo. Kabilang sa iyong [Google Account](#) ang:

### Mga kontrol sa privacy



#### Mga Kontrol ng Aktibidad

Magpasya kung anong mga uri ng aktibidad ang gusto mong ma-save sa iyong account. Halimbawa, maaari mong i-on ang History ng Lokasyon kung gusto mo ng mga hula sa trapiko para sa pag-commute mo araw-araw, o maaari mong i-save ang iyong History ng Panonood sa YouTube upang makakuha ng mas mahuhusay na suhestiyong video.

[Pumunta sa Mga Kontrol ng Aktibidad](#)

---



#### Mga setting ng ad

Pamahalaan ang iyong mga kagustuhan tungkol sa mga ipinapakita sa iyong ad sa Google at sa mga site at app na [nakikipagsosyo sa Google](#) upang magpakita ng mga ad. Maaari mong baguhin ang iyong mga interes, piliin kung gagamitin ang iyong personal na impormasyon upang gumawa ng mga ad na mas nauugnay sa iyo, at i-on o i-off ang ilang partikular na serbisyo ng pag-advertise.

[Pumunta sa Mga Setting ng Ad](#)

---



#### Tungkol sa iyo

Kontrolin ang nakikita ng iba tungkol sa iyo sa lahat ng serbisyo ng Google.

## Pumunta sa Tungkol sa Iyo

---



### Mga nakabahaging pag-endorso

Piliin kung lalabas ang iyong pangalan at larawan sa tabi ng aktibidad mo, tulad ng mga review at rekomendasyon, na lumalabas sa mga ad.

[Pumunta sa Mga Nakabahaging Pag-endorso](#)

---



### Impormasyong iyong ibinabahagi

Kung user ka ng G Suite, kontrolin kung kanino ka nagbabahagi ng impormasyon sa pamamagitan ng iyong account sa Google+.

[Pumunta sa Impormasyong Iyong Ibinabahagi](#)

---

## Mga paraan upang suriin at i-update ang iyong impormasyon



### Aking Aktibidad

Nagbibigay-daan sa iyo ang Aking Aktibidad na pamahalaan at kontrolin ang data na ginagawa kapag gumagamit ka ng mga serbisyo ng Google, tulad ng mga paghahanap na ginawa mo o iyong mga pagbisita sa Google Play. Maaari kang mag-browse ayon sa petsa at paksa, at i-delete ang bahagi o lahat ng iyong aktibidad.

[Pumunta sa Aking Aktibidad](#)

---



### Google Dashboard

Nagbibigay-daan sa iyo ang Google Dashboard na pamahalaan ang impormasyong nauugnay sa mga partikular na produkto.

[Pumunta sa Dashboard](#)

---



### Iyong personal na impormasyon

Pamahalaan ang iyong impormasyon sa pakikipag-ugnayan, gaya ng pangalan, email, at numero ng telepono mo.

[Pumunta sa Personal na Impormasyon](#)

---

Kapag naka-sign out ka, maaari mong pamahalaan ang impormasyong nauugnay sa iyong browser o device, kasama ang:

- Naka-sign out na pag-personalize ng paghahanap: [Piliin](#) kung gagamitin ang iyong aktibidad sa paghahanap upang mag-alok sa iyo ng mga mas may kaugnayang resulta at rekomendasyon.
- Mga setting ng YouTube: I-pause at i-delete ang iyong [History ng Paghahanap sa YouTube](#) at [History ng Panonood sa YouTube](#).
- Mga Setting ng Ad: [Pamahalaan](#) ang iyong mga kagustuhan tungkol sa mga ad na ipinapakita sa iyo sa Google at sa mga site at app na nakikipagsosyo sa Google upang magpakita ng mga ad.

## Pag-export, pag-aalis at pag-delete ng iyong impormasyon

Maaari kang mag-export ng kopya ng content sa iyong Google Account kung gusto mo itong i-back up o gamitin sa isang serbisyo sa labas ng Google.



[I-export ang iyong data](#)

---

Maaari mo ring [hilinging mag-alis ng content](#) mula sa mga partikular na serbisyo ng Google batay sa naangkop na batas.

Upang i-delete ang iyong impormasyon, maaari mong:

- I-delete ang iyong content mula sa [mga partikular na serbisyo ng Google](#)
- Maghanap at pagkatapos ay mag-delete ng mga partikular na item mula sa iyong account gamit ang [Aking Aktibidad](#)
- [Mag-delete ng mga partikular na produkto ng Google](#), kasama ang iyong impormasyong nauugnay sa mga produktong iyon
- [I-delete ang iyong buong Google Account](#)



[I-delete ang iyong impormasyon](#)

---

At panghuli, nagbibigay-daan sa iyo ang [Inactive Account Manager](#) na bigyan ng access ang ibang tao sa mga bahagi ng Google Account mo sakaling hindi mo magamit ang iyong account nang hindi inaasahan.

---

May iba pang paraan upang kontrolin ang impormasyong kinokolekta ng Google kung naka-sign in ka man o hindi sa isang Google Account, kasama ang:

- Mga setting ng browser: Halimbawa, maaari mong i-configure ang iyong browser upang isaad kung kailan nagtakda ang Google ng [cookie](#) sa browser mo. Maaari mo ring i-configure ang iyong browser na i-block ang lahat ng cookies mula sa isang partikular na domain o lahat ng domain. Ngunit tandaan na ang aming mga serbisyo ay [dumede depende sa cookies upang gumana nang maayos](#), para sa mga bagay tulad ng pag-alala sa iyong mga kagustuhan sa wika.
  - Mga setting sa antas ng device: Maaaring may mga kontrol ang iyong device na tumutukoy kung anong impormasyon ang kinokolekta namin. Halimbawa, maaari mong [baguhin ang mga setting ng lokasyon](#) sa iyong Android device.
- 

## PAGBABAHAGI NG IYONG IMPORMASYON

### Kapag ibinahagi mo ang iyong impormasyon

Nagbibigay-daan sa iyo ang marami sa aming mga serbisyo na magbahagi ng impormasyon sa ibang tao, at may kontrol ka sa paraan mo ng pagbabahagi. Halimbawa, maaari kang magbahagi sa publiko ng mga video sa YouTube o maaari kang magpasya na gawing pribado ang iyong mga video. Tandaan, kapag nagbahagi ka ng impormasyon sa publiko maaaring ma-access ang iyong content sa pamamagitan ng mga search engine, kasama ang Google Search.

Kapag naka-sign in ka at nakipag-ugnayan sa ilang serbisyo ng Google, tulad ng pag-iiwan ng mga komento sa isang video sa YouTube o pag-review ng app sa Play, lalabas ang iyong pangalan at larawan sa tabi ng aktibidad mo. Puwede rin naming ipakita ang impormasyong ito sa [mga ad depende sa iyong setting ng Mga nakabahaging pag-endorso](#).

### Kapag ibinahagi ng Google ang iyong impormasyon

Hindi kami nagbabahagi ng personal na impormasyon sa mga kumpanya, organisasyon, o indibidwal sa labas ng Google maliban sa mga sumusunod na sitwasyon:

## Mayroong iyong pahintulot

Magbabahagi kami ng personal na impormasyon sa labas ng Google kapag pinahintulutan mo kami. Halimbawa, kung ikaw ay [gumagamit ng Google Home upang magpareserba](#) sa pamamagitan ng serbisyo sa pag-book, hihingin namin ang pahintulot mo bago ibahagi ang iyong pangalan o numero ng telepono sa restaurant na iyon. Hihingin namin ang iyong tahasang pahintulot na magbahagi ng anumang [sensitibong personal na impormasyon](#).

## Sa mga administrador ng domain

Kung isa kang mag-aaral o nagtatrabaho ka para sa isang organisasyon na gumagamit ng mga serbisyo ng Google (tulad ng G Suite), magkakaroon ng access sa iyong Google Account ang [administrator ng domain](#) at mga reseller na namamahala sa account mo. Maaari nilang gawin ang sumusunod:

- I-access at panatilihin ang impormasyong naka-store sa iyong account, tulad ng email mo
- Tingnan ang mga istatiska hinggil sa iyong account, tulad kung gaano karaming app ang na-install mo
- Palitan ang password ng iyong account
- Suspindihin o wakasan ang iyong access sa account
- Tanggapin ang iyong impormasyon ng account upang matugunan ang naaangkop na batas, regulasyon, legal na proseso, o naipapatupad na kahilingan ng pamahalaan
- Paghigpitan ang iyong kakayahang i-delete o i-edit ang impormasyon mo o ang iyong mga setting ng privacy

## Para sa panlabas na pagpoproseso

Nagbibigay kami ng personal na impormasyon sa aming mga [affiliate](#) at iba pang pinagkakatiwalaang negosyo o tao upang iproseso ito para sa amin, batay sa aming mga tagubilin at alinsunod sa aming Patakaran sa Privacy at iba pang naaangkop na hakbang sa pagiging kumpidensyal at seguridad. Halimbawa, gumagamit kami ng mga service provider upang tulungan kami sa suporta para sa customer.

## Para sa mga legal na kadahilan

Magbabahagi kami ng personal na impormasyon sa labas ng Google kung mayroon kaming magandang loob na paniniwalang makatwirang kinakailangan ang pag-access, paggamit, pagpapanatili, o paghahayag ng impormasyon upang:

- Matugunan ang anumang naaangkop na batas, regulasyon, [legal na proseso o naipapatupad na kahilingan mula sa pamahalaan](#). Ibinabahagi namin ang impormasyon tungkol sa bilang at uri ng mga kahilingang natatanggap namin mula sa mga pamahalaan sa aming [Transparency Report](#).
- Maipatupad ang naaangkop na Mga Tuntunin ng Serbisyo, kabilang ang pagsisiyasat sa mga potensyal na paglabag.
- Matukoy, maiwasan, o kaya ay matugunan ang panloloko, mga isyu sa seguridad, o mga teknikal na isyu.
- Maprotektahan laban sa pinsala sa mga karapatan, ari-arian o kaligtasan ng Google, ang aming mga user o ang publiko gaya ng iniaatas o pinahihintulutan ng batas.

Maaari kaming magbahagi ng [impormasyong hindi nagbibigay ng personal na pagkakakilanlan](#) sa publiko at sa aming mga partner – tulad ng mga publisher, advertiser, developer, o may-ari ng mga karapatan. Halimbawa, nagbabahagi kami ng impormasyon sa publiko upang [magpakita ng mga trend](#) tungkol sa pangkalahatang paggamit ng aming mga serbisyo. Pinapayagan din namin ang [mga partikular na partner](#) na mangolekta ng impormasyon mula sa iyong browser o device para sa layunin ng pag-advertise at pagsukat gamit ang kanilang sariling cookies o mga katulad na teknolohiya.

Kung nauugnay ang Google sa isang merger, acquisition, o pagbenta ng mga asset, patuloy naming titiyakin ang pagiging kumpidensyal ng iyong personal na impormasyon at aabisuhan ang mga naapektuhang user bago maglipat ng personal na impormasyon o bago ito mapailalim sa ibang patakaran sa privacy.

---

### PAGPAPANATILING SECURE NG IYONG IMPORMASYON

## Naglalapat kami ng seguridad sa aming mga serbisyo upang protektahan ang iyong impormasyon

Ang lahat ng produkto ng Google ay nilalapat ng mahuhusay na panseguridad na feature na patuloy na nagpoprotekta sa iyong impormasyon. Nakakatulong sa amin ang mga insight na nakuha namin

mula sa pagpapanatili ng aming mga serbisyo na tumukoy at awtomatikong mag-block ng mga banta sa seguridad, nang hindi na makaapekto pa sa iyo. At kung may matukoy kaming mapanganib na bagay na sa palagay namin ay dapat mong malaman, aabisuhan ka namin at gagabayan sa mga hakbang upang manatiling mas mahusay na napoprotektahan.

Lubos kaming nagsusumikap na protektahan ka at ang Google mula sa mga hindi pinapahintulutang pag-access, pagbago, pagbubunyag o pagsira ng impormasyong hawak namin, kabilang ang:

- Gumagamit kami ng pag-encrypt upang panatilihin pribado ang iyong data habang ipinapadala
- Nag-aalok kami ng iba't ibang panseguridad na feature, tulad ng [Ligtas na Pag-browse](#), Pagsuri sa Seguridad, at [2-step na Pag-verify](#) upang matulungan kang protektahan ang iyong account
- Sinusuri namin ang aming mga kasanayan sa pangongolekta, pag-store, at pagproseso ng impormasyon, kasama na ang mga hakbang sa pisikal na seguridad, upang pigilan ang hindi pinapahintulutang pag-access sa aming mga system
- Pinaghihigpitan namin ang pag-access sa personal na impormasyon sa mga empleyado ng Google, contractor, at ahente na kailangan ang impormasyong iyon upang maproseso ito. Napapailalim sa mahihigpit na obligasyon sa pagiging kumpidensyal ang sinumang may ganitong access at maaaring maparusahan o matanggal kung hindi nila matutugunan ang mga obligasyong ito.

---

#### PAG-EXPORT AT PAG-DELETE NG IYONG IMPORMASYON

## Maaari kang mag-export ng kopya ng iyong impormasyon o i-delete ito mula sa Google Account mo anumang oras

Maaari kang mag-export ng kopya ng content sa iyong Google Account kung gusto mo itong i-back up o gamitin sa isang serbisyo sa labas ng Google.



[I-export ang iyong data](#)

Upang i-delete ang iyong impormasyon, maaari mong:

- I-delete ang iyong content mula sa [mga partikular na serbisyo ng Google](#)

- Maghanap at pagkatapos ay mag-delete ng mga partikular na item mula sa iyong account gamit ang [Aking Aktibidad](#)
- [Mag-delete ng mga partikular na produkto ng Google](#), kasama ang iyong impormasyong nauugnay sa mga produktong iyon
- [I-delete ang iyong buong Google Account](#)



## I-delete ang iyong impormasyon

---

### PAGPAPANATILI NG IYONG IMPORMASYON

Pinapanatili namin ang kinokolekta naming data sa loob ng iba't ibang yugto ng panahon depende kung ano ito, kung paano namin ito ginagamit, at kung paano mo iko-configure ang iyong mga setting:

- Ilang data na puwede mong i-delete kahit kailan mo gusto, gaya ng content na gagawin o ia-upload mo. Magagawa mo ring mag-delete ng [impormasyon ng aktibidad](#) na naka-save sa iyong account, o [piliing ipa-delete ito nang awtomatiko](#) pagkalipas ng nakatakdang yugto ng panahon.
- Awtomatikong dine-delete o ina-anonymize ang iba pang data pagkalipas ng nakatakdang yugto ng panahon, gaya ng [data ng pag-advertise](#) sa mga log sa server.
- Pinapanatili namin ang ilang data hanggang sa i-delete mo ang iyong Google Account, tulad ng impormasyon tungkol sa dalas ng paggamit mo sa aming mga serbisyo.
- At ilang data na pinapanatili namin sa loob ng mas mahahabang yugto ng panahon kapag kinakailangan para sa mga lehitimong pangnegosyo o legal na layunin, tulad ng seguridad, pag-iwas sa panloloko at pang-aabuso, o pagtatala kaugnay ng pananalapi.

Kapag nag-delete ka ng data, may sinusunod kaming proseso ng pag-delete para matiyak na ligtas at tuluyang maaalis ang iyong data sa aming mga server o mapapanatili lang ito sa naka-anonymize na anyo. Sinusubukan naming tiyakin na pinoprotektahan ng aming mga serbisyo ang impormasyon laban sa hindi sinasadya o nakakapinsalang pag-delete. Dahil dito, posibleng may mga pagkaantala kapag nag-delete ka ng isang bagay at kapag na-delete ang mga kopya sa aming mga aktibo at backup na system.

Puwede kang magbasa pa tungkol sa [mga panahon ng pagpapanatili ng data](#) ng Google, kasama na kung gaano katagal bago namin ma-delete ang iyong impormasyon.



---

## PAGSUNOD AT PAKIKIPAGTULUNGAN SA MGA REGULAT OR

Regular naming sinusuri ang Patakarang sa Privacy na ito at tinitiyak na pinoproseso namin ang iyong impormasyon sa mga paraang sumusunod dito.

## Mga paglipat ng data

Nagpapanatili kami ng mga [server sa buong mundo](#) at puwedeng maproseso ang iyong impormasyon sa mga server sa labas ng bansa kung saan ka nakatira. Ang mga batas sa pagprotekt a ng data ay magkakaiba sa bawat bansa, kung saan nagbibigay ng mas maigting na proteksyon ang iba. Inilapat namin ang parehong mga proteksyong inilalarawan sa patakarang ito saanman pinoproseso ang iyong impormasyon. Sumusunod din kami sa ilang partikular na [legal na framework](#) na may kaugnayan sa paglipat ng data, gaya ng EU-U.S. Framework and Swiss-U.S. Privacy Shield Framework.

Kapag nakatanggap kami ng mga pormal na nakasulat na reklamo, tumutugon kami sa pamamagitan ng pakikipag-ugnayan sa taong nagsampa ng reklamo. Nakikipagtulungan kami sa mga naaangkop na awtoridad na nagre-regulate, kabilang ang mga lokal na awtoridad sa pagprotekt a ng data, upang resolbahin ang anumang reklamo hinggil sa paglipat ng iyong data na hindi namin mareresolba nang direkt a sa iyo.

## Mga kinakailangan sa Europe

Kung nalalapat sa pagpoproseso ng iyong impormasyon ang batas sa proteksyon ng data ng European Union (EU) o United Kingdom (UK), ibibigay namin ang mga kontrol na inilalarawan sa patakarang ito upang magamit mo ang karapatan mong humiling ng access sa, i-update, alisin, at paghigpit ang pagpoproseso ng iyong impormasyon. May karapatan ka ring tumutol sa pagpoproseso ng iyong impormasyon o pag-export ng impormasyon mo sa ibang serbisyo.

Para sa mga user na nasa European Economic Area o Switzerland, Google Ireland Limited ang data controller na responsable sa iyong impormasyon, maliban kung hindi ganito ang binabanggit sa notification ng privacy na partikular sa serbisyo. Sa madaling salita, Google Ireland Limited ang affiliate ng Google na responsable sa pagpoproseso ng iyong impormasyon at sa pagsunod sa mga naaangkop na batas sa privacy.

Pinoproseso namin ang iyong impormasyon para sa mga layuning inilalarawan sa patakarang ito, batay sa mga sumusunod na legal na basehan:

## Mayroong iyong pahintulot

Hihingin namin ang iyong pagsang-ayon sa pagproseso sa impormasyon mo para sa mga partikular na layunin at may karapatan kang bawiin ang iyong pahintulot anumang oras. Halimbawa, hihingin namin ang iyong pahintulot na bigyan ka ng mga naka-personalize na serbisyo, tulad ng mga ad na nakabatay sa mga interes mo. Hihingin din namin ang pahintulot mo para kolektahin ang iyong aktibidad sa boses at audio para sa pagkilala sa speech. Puwede mong pamahalaan ang mga setting na ito sa iyong [Google Account](#).

## Kapag nagsasakatuparan kami ng mga lehitimong interes

Pinoproseso namin ang iyong impormasyon para sa mga lehitimo naming interes at ng [mga third party](#) habang inilalapat ang [mga naaangkop na pag-iingat](#) na nagpoprotekta sa iyong privacy. Ibig sabihin nito ay pinoproseso namin ang iyong impormasyon para sa mga bagay tulad ng:

- Pagbibigay, pagpapanatili, at pagpapahusay ng aming mga serbisyo upang matugunan ang mga kinakailangan ng aming mga user
- Pagbuo ng mga bagong produkto at feature na kapaki-pakinabang sa aming mga user
- Pag-unawa kung paano ginagamit ng mga tao ang aming mga serbisyo upang [matiyak at mapahusay](#) ang performance ng aming mga serbisyo
- [Pag-customize ng aming mga serbisyo](#) upang mabigyan ka ng mas magandang karanasan ng user
- Pag-market upang ipaalam sa mga user ang tungkol sa aming mga serbisyo
- Pagbibigay ng pag-advertise, na tumutulong para mapanatiling libre ang marami sa aming mga serbisyo (at kapag naka-personalize ang mga ad, hihingin namin ang iyong pahintulot)
- Pagtukoy, pagpigil, o kaya ay, pagtugon sa panloloko, pang-aabuso, mga isyu sa seguridad, o mga teknikal na isyu sa aming mga serbisyo.
- Pagprotektang laban sa panganib sa mga karapatan, ari-arian, o kaligtasan ng Google, ng aming mga user, o ng publiko tulad ng kinakailangan o pinapahintulutan ng batas, kabilang ang paghahayag ng impormasyon sa mga awtoridad ng pamahalaan
- Pagsasagawa ng pananaliksik na nagpapahusay sa aming mga serbisyo para sa aming mga user at napapakinabangan ng publiko

- Pagtupad sa mga obligasyon sa aming mga partner tulad ng mga developer at may-ari ng mga karapatan
- Pagpapatupad ng mga legal na habol, kasama na ang pagsisiyasat ng mga potensyal na paglabag sa naaangkop na Mga Tuntunin ng Serbisyo

## Kapag nagbibigay kami ng serbisyo

Pinoproseso namin ang iyong data upang magbigay ng serbisyong hiningi mo sa ilalim ng isang kontrata. Halimbawa, pinoproseso namin ang iyong impormasyon sa pagbabayad kapag bumili ka ng karagdagang storage para sa Google Drive.

## Kapag sumusunod kami sa mga legal na obligasyon

Ipoproseso namin ang iyong data kapag mayroon kaming legal na obligasyong gawin ito, halimbawa, kung tumutugon kami sa [legal na proseso o naipapatupad na kahilingan mula sa pamahalaan](#).

---

Kung mayroon kang mga tanong, [maaari kang makipag-ugnayan sa Google at sa aming tanggapan ng proteksyon ng data](#). At maaari kang makipag-ugnayan sa iyong lokal na awtoridad sa pagprotektang data kung may mga alalahanin ka hinggil sa mga karapatan mo sa ilalim ng lokal na batas.

---

### TUNGKOL SA PATAKARANG ITO

## Kapag nalalapat ang patakarang ito

Nalalapat ang Patakarang sa Privacy na ito sa lahat ng serbisyong inaalok ng Google LLC at ng [mga affiliate](#) nito, kabilang ang YouTube, Android, at mga serbisyong inaalok sa mga site ng third-party, gaya ng serbisyo sa pag-advertise. Hindi nalalapat ang Patakarang sa Privacy na ito sa mga serbisyong may mga hiwalay na patakarang sa privacy na hindi ginagamit ang Patakarang sa Privacy na ito.

Hindi nalalapat ang Patakarang sa Privacy na ito sa:

- Mga kasanayan sa impormasyon ng iba pang kumpanya at organisasyon na nag-a-advertise sa aming mga serbisyo

- Ipakita sa iyo sa mga resulta ng paghahanap ang mga serbisyong inaalok ng iba pang kumpanya o indibidwal, kabilang ang mga produkto o site na maaaring may mga serbisyo ng Google, o kaya ay i-link ang mga ito sa aming mga serbisyo

## Mga pagbabago sa patakarang ito

Binabago namin ang Patakaran sa Privacy paminsan-minsan. Hindi namin babawasan ang iyong mga karapatan sa ilalim ng Patakaran sa Privacy na ito nang walang pahintulot mo. Palagi naming isinasaad ang petsa ng pag-publish ng mga huling pagbabago at nag-aalok kami ng access sa [mga naka-archive na bersyon](#) para sa iyong pagsusuri. Kung kapansin-pansin ang mga pagbabago, magbibigay kami ng mas kapansing-pansing abiso (kasama ang, para sa mga partikular na serbisyo, notification sa email ng mga pagbabago sa Patakaran sa Privacy).

---

### MGA NAUGNAY NA KASANAYAN SA PRIVACY

## Mga partikular na serbisyo ng Google

Nagbibigay ang mga sumusunod na abiso sa privacy ng karagdagang impormasyon tungkol sa ilang serbisyo ng Google:

- [Chrome at ang Chrome Operating System](#)
- [Play Books](#)
- [Payments](#)
- [Fiber](#)
- [Google Fi](#)
- [G Suite for Education](#)
- [YouTube Kids](#)
- [Mga Google Account na pinapamahalaan gamit ang Family Link, para sa mga batang wala pang 13 taong gulang \(o wala pa sa naaangkop na edad sa iyong bansa\)](#)
- [Pangongolekta ng Boses at Audio sa Mga Pambatang Feature sa Google Assistant](#)

## Iba pang kapaki-pakinabang na resource

Ang mga sumusunod na link ay nagha-highlight ng mga kapaki-pakinabang na resource para matutunan mo pa ang tungkol sa aming mga kasanayan at mga setting ng privacy.

- Matatagpuan sa [iyong Google Account](#) ang marami sa mga setting na maaari mong gamitin upang pamahalaan ang account mo
- Ginagabayan ka ng [Privacy Checkup](#) sa mga pangunahing setting ng privacy para sa iyong Google Account
- Sa [safety center ng Google](#) matutulungan kang matuto pa tungkol sa aming built-in na seguridad, mga kontrol sa privacy, at mga tool para makatulong sa pagtatakda ng mga digital na batayang panuntunan para sa iyong pamilya online.
- Nagbibigay ang [Privacy at Mga Tuntunin](#) ng higit pang konteksto hinggil sa Patakaran sa Privacy na ito at sa aming Mga Tuntunin ng Serbisyo
- Kasama sa [Mga Teknolohiya](#) ang higit pang impormasyon tungkol sa:
  - [Paano gumagamit ang Google ng cookies](#)
  - Mga teknolohiyang ginagamit para sa [Pag-advertise](#)
  - [Paraan ng paggamit ng Google ng pagkilala sa pattern](#) upang makilala ang mga bagay tulad ng mga mukha sa mga larawan
  - [Paano ginagamit ng Google ang impormasyong mula sa mga site o app na gumagamit ng aming mga serbisyo](#)

---

## Mga pangunahing termino

### Algorithm

Proseso o hanay ng mga panuntunang sinusunod ng computer sa pagsasagawa ng mga operasyon sa paglutas ng problema.

## Cache ng data ng application

Ang cache ng data ng application ay imbakan ng data sa isang device. Maaari nitong bigyang-daan, halimbawa, ang isang web application na tumakbo nang walang koneksyon sa internet at pahasayin ang pagganap ng application sa pamamagitan ng pagbibigay-daan sa mas mabilis na paglo-load ng nilalaman.

## Cookies

Ang cookie ay maliit na file na naglalaman ng isang string ng mga character na ipinapadala sa iyong computer kapag bumisita ka sa isang website. Kapag binisita mong muli ang site, nagbibigay-daan ang cookie na makilala ng site ang iyong browser. Maaaring mag-store ng mga kagustuhan ng user at iba pang impormasyon ang cookies. Maaari mong i-configure ang iyong browser na tanggihan ang lahat ng cookies o isaad kapag may ipinapadalang cookie. Gayunpaman, maaaring hindi gumana nang maayos ang ilang feature o serbisyo ng website kung walang cookies. Matuto pa [kung paano gumagamit ng cookies ang Google](#) at kung paano gumagamit ng data, kabilang ang cookies, ang Google [kapag ginagamit mo ang mga site o app ng aming mga partner](#).

## Device

Ang device ay computer na magagamit upang i-access ang mga serbisyo ng Google. Halimbawa, itinuturing na mga device ang mga desktop computer, tablet, smart speaker, at smartphone.

## Google Account

Maaari mong i-access ang ilan sa aming mga serbisyo sa pamamagitan ng pag-sign up para sa [Google Account](#) at pagbibigay sa amin ng ilang personal na impormasyon (karaniwan ay ang iyong pangalan at email address at isang password). Ginagamit ang impormasyon ng account na ito upang i-authenticate ka kapag ina-access mo ang mga serbisyo ng Google at protektahan ang iyong account laban sa hindi awtorisadong pag-access ng iba. Maaari mong i-edit o i-delete ang iyong account anumang oras sa pamamagitan ng mga setting ng Google Account mo.

## Hindi personal na nakapagpapakilalang impormasyon

Ito ang impormasyong itinataala tungkol sa mga user upang hindi na nito ipakita o tukuyin ang indibidwal na nakikilalang user.

## IP address

Ang bawat device na nakakonekta sa Internet ay tinatakdaan ng numero na kilala bilang Internet protocol (IP) address. Karaniwang itinataka ang mga numerong ito ayon sa mga heograpikong block. Maaaring madalas na gamitin ang isang IP address upang tukuyin ang lokasyon kung mula saan kumokonekta sa Internet ang isang device.

## Mga Affiliate

Ang affiliate ay entity na napapabilang sa pangkat ng mga kumpanya ng Google, kabilang ang mga sumusunod na kumpanyang nagbibigay ng mga serbisyo sa consumer sa EU: Google Ireland Limited, Google Commerce Ltd, Google Payment Corp, at Google Dialer Inc. Matuto pa tungkol sa [mga kumpanyang nagbibigay ng mga serbisyo sa negosyo sa EU](#).

## Mga natatanging pagkikilanlan

Ang natatanging pagkikilanlan ay string ng mga character na maaaring gamitin upang natatanging tukuyin ang isang browser, app, o device. Iba-iba ang mga pagkikilanlan depende kung gaano kapermanente, kung mare-reset ng mga user, at kung paano maa-access ang mga ito.

Magagamit ang mga natatanging pagkikilanlan para sa iba't ibang layunin, kabilang ang seguridad at pag-detect ng panloloko, pag-sync ng mga serbisyo gaya ng inbox ng iyong email, pag-alala ng mga kagustuhan mo, at pagbibigay ng naka-personalize na pag-advertise. Halimbawa, nakakatulong ang mga natatanging pagkikilanlang naka-store sa cookies na maipakita ng mga site ang content sa iyong browser sa wikang gusto mo. Maaari mong i-configure ang iyong browser na tanggihan ang lahat ng cookies o isaad kapag may ipinapadalang cookie. Matuto pa [kung paano gumagamit ng cookies ang Google](#).

Sa iba pang platform bukod sa mga browser, ginagamit ang mga natatanging pagkikilanlan upang tumukoy ng partikular na device o app sa device na iyon. Halimbawa, ginagamit ang natatanging pagkikilanlan gaya ng Advertising ID upang makapagbigay ng may kaugnayang pag-advertise sa mga Android device, at maaari itong [pamahalaan](#) sa mga setting ng iyong device. Maaari ring maglagay ng mga natatanging pagkikilanlan ang manufacturer sa isang device (paminsan-minsan itong tinatawag na universally unique ID o UUID), gaya ng IMEI-number ng mobile phone. Halimbawa, maaaring gamitin

ang natatanging pagkikilanlan ng isang device upang i-customize ang aming serbisyo para sa iyong device, o suriin ang mga isyung nauugnay sa mga serbisyo namin sa device.

## Mga Tala sa server

Tulad ng karamihan ng mga website, awtomatikong itinatala ng aming mga server ang mga kahilingan ng pahinang nagagawa kapag binibisita mo ang aming mga site. Karaniwang isinasama ng “mga tala sa server” na mga ito ang iyong web request, Internet Protocol address, uri ng browser, wika ng browser, ang petsa at oras ng iyong hiling at isa o higit pang mga cookies na maaaring natatanging makakilala ng iyong browser.

Ganito ang hitsura ng karaniwang entry sa log para sa paghahanap ng “mga kotse”:

```
123.45.67.89 - 25/Mar/2003 10:15:32 -  
http://www.google.com/search?q=cars -  
Firefox 1.0.7; Windows NT 5.1 -  
740674ce2123e969
```

- `123.45.67.89` ang Internet Protocol address na itinalaga ng ISP ng user sa user. Depende sa serbisyo ng user, maaaring ibang address ang italaga ng service provider ng user sa kanya sa tuwing kokonekta siya sa Internet.
- `25/Mar/2003 10:15:32` ang petsa at oras ng query.
- `http://www.google.com/search?q=cars` ang hiniling na URL, kabilang ang query sa paghahanap.
- `Firefox 1.0.7; Windows NT 5.1` ang ginagamit na browser at operating system.
- `740674ce2123a969` ang natatanging cookie ID na itinalaga sa partikular na computer na ito noong una itong bumisita sa Google. (Maaaring i-delete ng mga user ang cookies. Kung na-delete ng user sa computer ang cookie mula noong huli siyang bumisita sa Google, ito ang natatanging cookie ID na itatalaga sa kanyang device sa susunod na bumisita siya sa Google mula sa partikular na device na iyon).

## Personal na impormasyon

Itong ay impormasyong ibinibigay mo sa amin, na nagbibigay ng personal na pagkakakilanlan mo, gaya ng iyong pangalan, email address, o impormasyon sa pagsingil, o iba pang data na makatuwirang mali-link ng Google sa ganitong impormasyon, gaya ng impormasyong iniugnay namin sa Google Account mo.



## Pixel tag

Ang pixel tag ay uri ng teknolohiyang inilalagay sa website o sa nilalaman ng email upang sumubaybay ng partikular na aktibidad, gaya ng mga pagtingin sa website o kapag binuksan ang isang email. Kadalasang ginagamit ang mga pixel tag kasabay ng cookies.

## Referrer URL

Ang Referrer URL (Uniform Resource Locator) ay impormasyong inililipat ng web browser sa isang patutunghang webpage, kadalasan kapag nag-click ka ng link papunta sa page na iyon. Kasama sa Referrer URL ang URL ng huling webpage na binisita ng browser.

## Sensitibong personal na impormasyon

Isa itong partikular na kategorya ng personal na impormasyon na nauugnay sa mga paksa gaya ng mga kumpidensyal na medikal na impormasyon, mga pinagmulang lahi o pangkat etniko, mga paniniwala sa pulitika o relihiyon, o sekswalidad.

## Web storage ng browser

Nagbibigay-daan ang web storage ng browser na makapag-store ng data sa browser sa isang device ang mga website. Kapag ginagamit sa mode na "lokal na storage," ine-enable nito ang pag-store ng data sa maraming session. Sa pamamagitan nito, makukuha ang data kahit pagkatapos isara at muling buksan ang browser. Ang HTML 5 ay isang teknolohiyang nangangasiwa ng web storage.

## Android device na may mga Google app

Kasama sa mga android device na may mga Google app ang mga device na ibinebenta ng Google o ng isa sa aming mga partner at pati na rin ang mga telepono, camera, sasakyan, nasusuot, at telebisyon. Gumagamit ang mga device na ito ng Mga Serbisyo ng Google Play at iba pang naka-pre install na app na may mga serbisyong tulad ng Gmail, Maps, camera ng iyong telepono at dialer ng telepono, text-to-speech conversion, keyboard input, at mga panseguridad na feature.

## ang mga taong pinakamahalaga sa iyo online

Halimbawa, kapag nag-type ka ng address sa field na Para kay, Cc, o Bcc ng email na ginagawa mo, magmumungkahi ang Gmail ng mga address batay sa mga taong [pinakamadalas mong nakakaugnayan](#).

## Data ng sensor mula sa iyong device

Maaaring may mga sensor ang iyong device na maaaring gamitin upang mas maunawaan ang lokasyon at paggalaw mo. Halimbawa, maaari kang gumamit ng accelerometer upang matukoy ang iyong bilis at ng gyroscope upang malaman ang direksyon ng paglalakbay mo.

## dumedeponde sa cookies upang gumana nang maayos

Halimbawa, gumagamit kami ng cookie na tinatawag na 'lbc's' kung saan ginagawang posible para sa iyo na magbukas ng maraming Google Docs sa isang browser. Kapag na-block ang cookie na ito, ang Google Docs ay hindi gagana tulad ng inaasahan. [Matuto pa](#)

## gumawa ng mga pagpapahusay

Halimbawa, ginagamit namin ang cookies upang suriin kung paano nakikipag-ugnayan ang mga tao sa aming mga serbisyo. At makakatulong sa amin ang pagsusuring iyon na makabuo ng mas mahuhusay na produkto. Halimbawa, maaari itong makatulong sa amin na matuklasang masyadong natatagalan ang mga tao sa pagkumpleto ng isang partikular na gawain o na nagkakaproblema talaga sila sa pagtapos sa mga hakbang. Maaari naming idisenyong muli ang feature na iyon at pahasayin ang produkto para sa lahat.

## ihatid ang aming mga serbisyo

Kabilang sa mga halimbawa kung paano namin ginagamit ang iyong impormasyon upang maihatid ang aming mga serbisyo ang:

- Ginagamit namin ang IP address na nakatalaga sa iyong device upang ipadala sa iyo ang data na hiniling mo, gaya ng pag-load ng video sa YouTube

- Ginagamit namin ang mga natatanging pagkikilanlang naka-store sa cookies sa iyong device upang matulungan kaming mapatotohanang ikaw ang taong dapat na may access sa Google Account mo
- Ang mga larawan at video na ina-upload mo sa Google Photos ay ginagamit upang matulungan kang gumawa ng mga album, animation, at iba pang gawa na maaari mong ibahagi. [Matuto pa](#)
- Ang isang email ng kumpirmasyon ng flight na iyong matatanggap ay maaaring gamitin upang gumawa ng button na “mag-check in” na lalabas sa iyong Gmail.
- Kapag bumili ka ng mga serbisyo o aktwal na produkto sa amin, maaari kang magbigay sa amin ng impormasyon tulad ng iyong address sa pagpapadala o mga tagubilin sa paghahatid. Ginagamit namin ang impormasyong ito para sa mga bagay tulad ng pagpoproseso, pagbibigay, at paghahatid ng iyong order, at sa pagbibigay ng suporta kaugnay ng produkto o serbisyong bibilhin mo.

## impormasyon sa pagbabayad

Halimbawa, kung magdaragdag ka ng credit card o iba pang paraan ng pagbabayad sa iyong Google Account, maaari mo itong gamitin upang bumili ng mga bagay sa lahat ng aming serbisyo, tulad ng mga app sa Play Store. Maaari din kaming humingi ng iba pang impormasyon, tulad ng business tax ID, upang matulungan kang maproseso ang iyong pagbabayad. Sa ilang pagkakataon, maaari din naming kailanganing i-verify ang iyong pagkakakilanlan at maaari din kaming humingi sa iyo ng impormasyon upang magawa ito.

Maaari din naming gamitin ang impormasyon sa pagbabayad upang i-verify na natutugunan mo ang mga kinakailangan sa edad, kung, halimbawa, naglagay ka ng maling kaarawan na nagsasaad na wala ka pa sa hustong gulang upang magkaroon ng Google Account. [Matuto pa](#)

## impormasyon tungkol sa mga bagay na malapit sa iyong device

Kung ginagamit mo ang mga serbisyo ng Lokasyon ng Google sa Android, maaari naming pahasayin ang performance ng mga app na dumedepende sa iyong lokasyon, tulad ng Google Maps. Kung ginagamit mo ang mga serbisyo ng Lokasyon ng Google, nagpapadala ang iyong device ng impormasyon sa Google tungkol sa lokasyon, mga sensor (tulad ng accelerometer), at mga kalapit na cell tower at Wi-Fi access point (tulad ng MAC address at lakas ng signal) nito. Nakakatulong ang lahat ng bagay na ito na matukoy ang iyong lokasyon. Maaari mong gamitin ang mga setting ng iyong device upang i-enable ang mga serbisyo ng Lokasyon ng Google. [Matuto pa](#)

## iyong aktibidad sa iba pang site at app

Maaaring magmula ang aktibidad na ito sa iyong paggamit sa mga serbisyo ng Google, tulad ng pag-sync ng account mo sa Chrome o pagbisita mo sa mga site at app na nakikipagsosyo sa Google. Maraming website at app ang nakikipagsosyo sa Google upang pahusayin ang kanilang content at mga serbisyo. Halimbawa, maaaring gamitin ng isang website ang aming mga serbisyo sa pag-a-advertise (tulad ng AdSense) o mga tool sa analytics (tulad ng Google Analytics), o maaaring mag-embed ito ng iba pang content (tulad ng mga video mula sa YouTube). Maaaring magbahagi ang mga serbisyong ito ng impormasyon tungkol sa iyong aktibidad sa Google at, depende sa [mga setting ng account](#) mo at mga produktong ginagamit (halimbawa, kapag ang isang partner ay gumagamit ng Google Analytics kasabay ng aming mga serbisyo sa pag-advertise), maaaring iugnay sa iyong personal na impormasyon ang data na ito.

[Matuto nang higit pa](#) tungkol sa kung paano ginagamit ng Google ang data kapag ginamit mo ang mga site o app ng aming mga kasosyo.

## kaligtasan at pagiging maasahan

Kabilang sa ilang halimbawa kung paano namin ginagamit ang iyong impormasyon upang makatulong na panatilihin ang ligtas at maasahan ang aming serbisyo ang:

- Pagkolekta at pagsusuri ng mga IP address at data ng cookie upang maprotektahan laban sa naka-automate na pang-aabuso. Maraming uri ang pang-aabusong ito, tulad ng pagpapadala ng spam sa mga user ng Gmail, pagnanakaw ng pera mula sa mga advertiser sa pamamagitan ng mapanlinlang na pagpindot sa mga ad, o pag-censor ng content sa pamamagitan ng paglulunsad ng pag-atakeng Distributed Denial of Service (DDoS).
- Maaaring makatulong sa iyo ang feature na “huling aktibidad ng account” sa Gmail na malaman kung may nag-access sa email mo at kapag may nag-access nito nang hindi mo nalalalaman. Ipinapakita sa iyo ng feature na ito ang impormasyon tungkol sa kamakailang aktibidad sa Gmail, gaya ng mga IP address na nag-access sa mail mo, nauugnay na lokasyon, at oras at petsa ng pag-access. [Matuto pa](#)

## legal na proseso o naipapatupad na kahilingan mula sa pamahalaan

Gaya ng iba pang kumpanya ng teknolohiya at komunikasyon, regular na nakakatanggap ang Google ng mga kahilingan mula sa mga pamahalaan at hukuman sa buong mundo na ihayag ang data ng user. Ang pagsasaalang-alang sa privacy at seguridad ng data na sino-store mo sa Google ay nagpapatibay

sa aming diskarte sa pagsunod sa mga legal na kahilingang ito. Sinusuri ng aming legal team ang bawat kahilingan, anuman ang uri, at kadalasan naming tinatanggi ang mga kahilingan na masyadong malawak o hindi sumusunod sa tamang proseso. Matuto pa sa aming [Transparency Report](#).

## maaaring mag-link ng impormasyon

Umaasa sa first-party na cookies ang Google Analytics, na nangangahulugang itinakda ng customer ng Google Analytics ang cookies. Gamit ang aming mga system, ang data na binuo sa pamamagitan ng Google Analytics ay maaaring iugnay ng customer ng Google Analytics at ng Google sa cookies ng third-party na nauugnay sa mga pagbisita sa iba pang website. Halimbawa, maaaring gusto ng isang advertiser na gamitin ang data ng Google Analytics nito upang gumawa ng mga mas may kaugnayang ad, o upang higit pang suriin ang trapiko nito. [Matuto pa](#)

## magpakita ng mga trend

Kapag nagsimulang maghanap ng isang bagay ang maraming tao, maaari itong makapagbigay ng kapaki-pakinabang na impormasyon tungkol sa mga partikular na trend sa panahong iyon. Sina-sample ng Google Trends ang mga paghahanap sa web gamit ang Google upang tantyahin ang kasikatan ng mga paghahanap sa isang partikular na panahon at ibinabahagi nito ang mga resultang iyon sa publiko sa pamamagitan ng mga pinagsama-samang termino. [Matuto pa](#)

## makisosyo sa Google

May mahigit sa 2 milyong hindi Google na website at app na nakikipagsosyo sa Google upang magpakita ng mga ad. [Matuto pa](#)

## mga ad na magiging lubos na kapaki-pakinabang sa iyo

Halimbawa, kung manonood ka ng mga video tungkol sa pag-bake sa YouTube, maaari kang makakita ng higit pang ad na nauugnay sa pag-bake habang nagba-browse ka sa web. Maaari din naming gamitin ang iyong IP address upang tukuyin ang iyong tinatantiyang lokasyon, upang makapaghatid kami sa iyo ng mga ad para sa isang kalapit na nagde-deliver ng pizza kung maghahanap ka ng “pizza.” Matuto pa [tungkol sa mga Google ad](#) at [kung bakit maaari kang makakita ng mga partikular na ad](#).

## mga device

Halimbawa, maaari naming gamitin ang impormasyong mula sa iyong mga device upang matulungan kang magpasya kung aling device ang gusto mong gamitin upang mag-install ng app o panoorin ang pelikulang binili mo mula sa Google Play. Ginagamit din namin ang impormasyong ito upang makatulong na protektahan ang iyong account.

## mga naaangkop na pag-iingat

Halimbawa, maaari kaming mag-anonymize o mag-encrypt ng data upang matiyak na hindi ito maiuugnay sa iba pang impormasyon tungkol sa iyo. [Matuto pa](#)

## mga naka-customize na resulta ng paghahanap

Halimbawa, kapag naka-sign in ka sa iyong Google Account at na-enable mo ang kontrol ng Aktibidad sa Web at App, maaari kang makakuha ng mga mas may kaugnayang resulta ng paghahanap na nakabatay sa iyong mga nakaraang paghahanap at aktibidad mula sa iba pang serbisyo ng Google. Maaari kang [matuto pa rito](#). Maaari ka ring makakuha ng mga naka-customize na resulta ng paghahanap kahit na naka-sign out ka. Kung hindi mo gusto ang ganitong antas ng pag-customize ng paghahanap, maaari kang [maghanap o mag-browse nang pribado](#) o i-off ang [naka-sign out na pag-personalize ng paghahanap](#).

## mga naka-personalize na ad

Maaari ka ring makakita ng mga naka-personalize na ad batay sa impormasyon mula sa advertiser. Kung may binili ka sa website ng isang advertiser, halimbawa, maaari nilang gamitin ang impormasyon sa pagbisita na iyon upang magpakita sa iyo ng mga ad. [Matuto pa](#)

## Mga pagtingin at pakikipag-ugnayan sa content at mga ad

Halimbawa, kinokolekta namin ang impormasyon tungkol sa mga pagtingin at pakikipag-ugnayan sa mga ad upang makapagbigay kami ng pinagsama-samang ulat sa mga advertiser, tulad ng pagsasabi sa kanila kung naihatid namin ang kanilang ad sa isang page at kung malamang na may tumingin sa ad. Maaari din naming sukatin ang iba pang pakikipag-ugnayan, gaya kung paano mo itinatapat ang iyong mouse sa isang ad o kung nakikipag-ugnayan ka sa page kung saan lumalabas ang ad.

## mga partikular na partner

Halimbawa, pinapayagan namin ang mga creator at advertiser sa YouTube na makipagtulungan sa mga kumpanya sa pagsusukat upang matuto tungkol sa audience ng kanilang mga video o ad sa YouTube, gamit ang cookies o mga katulad na teknolohiya. Isa pang halimbawa ay ang mga merchant sa aming mga page ng pamimili, na gumagamit ng cookies upang maunawaan kung ilang iba't ibang tao ang nakakakita sa kanilang mga listing ng produkto. [Matuto pa](#) tungkol sa mga kasosyong ito at kung paano nila ginagamit ang iyong impormasyon.

## mga partikular na serbisyo ng Google

Halimbawa, maaari mong i-delete ang [iyong blog](#) mula sa Blogger o [ang isang Google Site na pagmamay-ari mo](#) mula sa Google Sites. Maaari mo ring i-delete ang mga [review](#) na iniwan mo sa mga app, laro, at iba pang content sa Play Store.

## mga sensitibong kategorya

Kapag nagpapakita sa iyo ng mga naka-personalize na ad, ginagamit namin ang mga paksang sa palagay namin ay maaaring kinaiinteresan mo batay sa aktibidad mo. Halimbawa, maaari kang makakita ng mga ad para sa mga bagay tulad ng "Pagluluto at Mga Recipe" o "Paglalakbay sa Himpapawid." Hindi kami gumagamit ng mga paksa o nagpapakita ng mga naka-personalize na ad batay sa mga sensitibong kategorya tulad ng lahi, relihiyon, sekswal na oryentasyon, o kalusugan. At [gayundin ang hinihiling namin mula sa mga advertiser](#) na gumagamit ng aming mga serbisyo.

## mga serbisyo sa pag-advertise at pananaliksik sa ngalan nila

Halimbawa, maaaring mag-upload ng data ang mga advertiser mula sa kanilang mga programa ng loyalty card upang mas maunawaan nila ang performance ng kanilang mga ad campaign. Nagbibigay lang kami sa mga advertiser ng pinagsama-samang ulat na hindi nagbubunyag ng impormasyon tungkol sa mga indibihal na tao.

## mga serbisyo upang makatawag at makatanggap ng mga tawag o magpadala at makatanggap ng mga mensahe

Kasama sa mga halimbawa ng mga serbisyonang ito ang:

- Google Hangouts, para sa pagsasagawa ng mga domestic at international na tawag

- Google Voice, para sa pagtawag, pagpapadala ng mga text message, at pamamahala ng voicemail
- Google Fi, para sa plan sa telepono

## mga server sa buong mundo

Halimbawa, nagpapat akbo kami ng mga data center na matatagpuan [sa buong mundo](#) upang makatulong na patuloy na mapanatiling available sa mga user ang aming mga produkto.

## mga source na naa-access ng publiko

Halimbawa, maaari kaming mangolekta ng impormasyong available sa publiko online o mula sa iba pang pampublikong source upang tulungang masanay ang mga modelo ng wika ng Google at makabuo ng mga feature tulad ng Google Translate.

## mga third party

Halimbawa, pinoproseso namin ang iyong impormasyon upang iulat ang mga istatistika sa paggamit sa mga may-ari ng mga karapatan tungkol sa kung paano ginamit sa aming mga serbisyo ang kanilang content. Maaari din naming iproseso ang iyong impormasyon kung hinahanap ng mga tao ang pangalan mo at nagpapakita kami ng mga resulta ng paghahanap para sa mga site na naglalaman ng impormasyon tungkol sa iyo na available sa publiko.

## naka-sync sa iyong Google Account

Sine-save lang ang iyong history ng pag-browse sa Chrome sa account mo kung na-enable mo ang pag-synchronize ng Chrome sa iyong Google Account. [Matuto pa](#)

## numero ng telepono

Kung magdaragdag ka ng iyong numero ng telepono sa account mo, maaari itong gamitin sa iba't ibang layunin sa lahat ng serbisyo ng Google, depende sa iyong mga setting. Halimbawa, maaaring gamitin ang iyong numero ng telepono upang tulungan kang ma-access ang account mo kung



makalimutan mo ang iyong password, tulungan ang mga taong mahanap ka at makipag-ugnayan sa iyo, at gawing mas nauugnay sa iyo ang mga nakikita mong ad. [Matuto pa](#)

## Pag-customize sa aming mga serbisyo

Halimbawa, maaari kaming magpakita ng Google Doodle sa homepage ng Search upang ipagdiwang ang isang partikular na event sa iyong bansa.

## pagsamahin ang impormasyong kinokolekta namin

Kabilang ang mga sumusunod sa ilang halimbawa kung paano namin pinagsasama-sama ang impormasyong kinokolekta namin:

- Kapag naka-sign in ka sa iyong Google Account at naghahanap ka sa Google, maaari kang makakita ng mga resulta ng paghahanap mula sa pampublikong web, pati na rin ng may kaugnayang impormasyon mula sa content na mayroon ka sa iba pang produkto ng Google, tulad ng Gmail o Google Calendar. Maaaring kasama rito ang mga bagay tulad ng status ng iyong mga paparating na flight, pagpapareserba sa restaurant at hotel, o mga larawan mo. [Matuto pa](#)
- Kung nakipag-ugnayan ka sa isang tao sa pamamagitan ng Gmail at gusto mo siyang idagdag sa isang Google Doc o sa isang event sa Google Calendar, pinapadali ng Google ang paggawa niyon sa pamamagitan ng pag-autocomplete ng kanyang email address kapag sinimulan mong i-type ang kanyang pangalan. Mas pinapadali ng feature na ito na magbahagi ng mga bagay sa mga taong kakilala mo. [Matuto pa](#)
- Maaaring gamitin ng Google app ang data na na-store mo sa iba pang produkto ng Google upang magpakita sa iyo ng naka-personalize na content, depende sa mga setting mo. Halimbawa, kung mayroon kang mga naka-store na paghahanap sa iyong Aktibidad sa Web at App, maaaring magpakita sa iyo ang Google app ng mga artikulo ng balita at iba pang impormasyon tungkol sa iyong mga interes, tulad ng mga score sa sports, batay sa aktibidad mo. [Matuto pa](#)
- Kung ili-link mo ang iyong Google Account sa Google Home mo, maaari mong pamahalaan ang iyong impormasyon at gawin ang mga bagay sa pamamagitan ng Google Assistant. Halimbawa, maaari kang magdagdag ng mga event sa iyong Google Calendar o alamin ang schedule mo sa buong araw, humingi ng mga update sa status sa iyong paparating na flight, o magpadala sa iyong telepono ng impormasyon tulad ng mga direksyon sa pagmamaneho. [Matuto pa](#)

## pagtukoy ng pang-aabuso

Kapag may natukoy kaming spam, malware, ilegal na content, at iba pang uri ng pang-aabuso sa aming mga system na lumalabag sa aming mga patakaran, maaari naming i-disable ang iyong account o gumawa ng iba pang naaangkop na pagkilos. Sa ilang partikular na pagkakataon, maaari din naming iulat ang paglabag sa mga naaangkop na awtoridad.

## **proteksyon laban sa pang-aabuso**

Halimbawa, makakatulong sa amin ang impormasyon tungkol sa mga banta sa seguridad na maabisuhan ka kung sa palagay namin ay nakompromiso ang iyong account (sa puntong ito ay matutulungan ka naming gumawa ng mga hakbang upang protektahan ang iyong account).

## **tiyakin at pahasayin**

Halimbawa, sinusuri namin kung paano nakikipag-ugnayan ang mga tao sa pag-advertise upang mapahasay ang performance ng aming mga ad.

## **tiyaking gumagana ang aming mga serbisyo ayon sa inaasahan**

Halimbawa, patuloy naming sinusubaybayan ang aming mga system upang maghanap ng mga problema. At kung may mahanap kaming mali sa isang partikular na feature, nagbibigay-daan sa amin ang pagsusuri sa nakolektang impormasyon ng aktibidad bago nagsimula ang problema na mas mabilis na maayos ang mga bagay.